

# Murhangerinkulu un'wana a vekiwa eka yimiso wo kala vuahluri

**Pretoria, Ravunharhu ti 21 Mhawuri 2019** – Vukorhokeri bya Xibalo bya Afrika-Dzonga (SARS) byi vekile murhangerinkulu un'wana ku nga Manana Mmamathe Makheke-Mokhuane eka yimiso wo kala vuahluri loko ka ha yimeriwe hetisiso wa phurosese yo tshinya mayelana na swihehlo lewikulu swa matikhomelo yo biha. Leswi swi fikisa nhlayo ya varhangerinkulu lava nga eka eka yimiso wo kala vuahluri yi va eka ntlanu.

Varhangerinkulu i:

- Tatana Hlengani Mathebula, Muofisirinkulu: Governance, International Relations, Strategy and Communications
- Tatana Teboho Mokoena, Muofisirinkulu: Human Capital & Development
- Tatana Luther Lebelo, Xirhonkulu xa Ntlawa: Employee Relations
- Manana Refiloe Mokoena, Muofisirinkulu: Legal Counsel
- Manana Mmamathe-Makhekhe-Mokhuane, Muofisirinkulu: Digital Information Services and Technology

Lexi i xiphemu xa nxopaxopo wo katsakanya lowu ya ka emahlweni wa vurhangeri hinkwabyo bya SARS hi Khomixinara mayelana na mfumo wa kahle, na ku ya emahlweni, ku hlamula eka xiviko xa Khomixini ya Ndzavisiso ela Vufambisi bya Xibalo na Mfumo hi SARS, "Nugent Report".

Yimiso wa Manana Mmamathe-Makhekhe-Mokhuane wu sungula xikan'wekan'we. Swi fanele ku tiyisiwa leswaku miyimiso yi kala vuahluri hi ntumbuluko naswona a yi na swikumiwa swa swidyoho swo karhi etlhelo ra varhangerinkulu lava khumbhekaka. Nkumisiso eka xiyimo lexi wu ta endliwa ntsena eku hetisisweni ka phurosese. SARS yi kombela leswaku xihundla xa vanhu lava khumbhekaka na xihundla xa vuxaka bya muthori na mutirhi xi fanele xi hlonphiwa. SARS yi nge kaneli ku ya emahlweni eka mhaka leyi ku fikela loko yi hetisisiwa.